

integridade, fáiselle saber ao interesado que o texto íntegro da resolución que se notifica encóntrase ao seu dispor nas dependencias da Axencia de Protección da Legalidade Urbanística, situada no edificio Witland, 1º andar, Salgueiriños, en Santiago de Compostela.

Contra esta resolución, que pon fin á vía administrativa, o interesado poderá interpoñer recurso contencioso-administrativo, ante o xulgado do contencioso-administrativo en cuxa circunscrición radique o inmovible afectado conforme o disposto no artigo 14º.1.3 da Lei 29/1998, do 13 de xullo, reguladora da xurisdición contencioso-administrativa, no prazo de dous meses contados a partir do día seguinte ao da publicación desta cédula.

Para que conste, e lle sirva de notificación ao citado interesado en cumprimento do disposto no artigo 59º.5 da citada Lei 30/1992, do 26 de novembro, expido e asino esta cédula.

Santiago de Compostela, 19 de xaneiro de 2011.

María Martínez Allegue  
Directora da Axencia de Protección da Legalidade Urbanística

## ESCOLA GALEGA DE ADMINISTRACIÓN PÚBLICA

*Resolución do 18 de xaneiro de 2011 pola que se fai pública a adxudicación do contrato do servizo de cafetaría e de comedor no edificio da escola (contrato administrativo especial).*

En cumprimento do disposto no artigo 138º da Lei de contratos do sector público, Lei 30/2007, do 30 de outubro, faise pública a adxudicación do seguinte contrato:

### 1. Entidade adxudicadora:

a) Organismo: Escola Galega de Administración Pública.

b) Dependencia que tramita o expediente: servizo económico-administrativo.

### 2. Obxecto do contrato:

a) Tipo de contrato: contrato administrativo especial.

b) Descrición: servizo de cafetaría e de comedor no edificio da Escola Galega de Administración Pública.

c) Boletín ou diario oficial e data de publicación do anuncio de licitación: *Diario Oficial de Galicia* nº 159, do 19 de agosto de 2010.

3. Tramitación, procedemento e forma de adxudicación:

a) Tramitación: ordinaria.

b) Procedemento: aberto.

c) Forma: a oferta máis vantaxosa segundo os criterios de valoración detallados na cláusula 6.4 do prego de cláusulas administrativas particulares.

### 4. Adxudicación:

a) Data: 18 de outubro de 2010.

b) Contratista: José Manuel Pousada Villaverde.

c) Nacionalidade: española.

d) Canon anual: 1.200 euros.

Santiago de Compostela, 18 de xaneiro de 2011.

Pablo Figueroa Dorrego  
Director da Escola Galega de Administración Pública

## INSTITUTO GALEGO DA VIVENDA E SOLO

*Resolución do 24 de xaneiro de 2011 pola que se fai pública a aprobación definitiva e as disposicións normativas do proxecto sectorial modificado para a implantación dunha plataforma loxística-industrial (Plisan) no solo delimitado nos concellos de Salvaterra de Miño e As Neves.*

En cumprimento do disposto no artigo 13º do Decreto 80/2000, do 23 de marzo, polo que se regulan os plans e proxectos sectoriais de incidencia supramunicipal, faise pública a aprobación definitiva mediante acordo do Consello da Xunta de Galicia do 13 de xaneiro de 2011 do proxecto sectorial modificado para a implantación dunha plataforma loxística-industrial (Plisan) no solo delimitado nos concellos de Salvaterra de Miño e As Neves, sometido a información pública mediante Anuncio do 12 de agosto de 2010 (DOG 160, do 20 de agosto).

Así mesmo, en virtude do artigo 4º da Lei 10/1995, do 23 de marzo, de ordenación do territorio de Galicia (modificado pola Lei 6/2007, do 11 de maio, de medidas urxentes en materia de ordenación do territorio e do litoral de Galicia) fanse públicas as disposicións normativas do proxecto sectorial modificado para a implantación dunha plataforma loxística-industrial (Plisan) no solo delimitado nos concellos de Salvaterra de Miño e As Neves para a súa entrada en vigor:

### Regulamento interno para a autorización, control e seguimento de verteduras non urbanas á rede de sumidoiros

-Augas residuais.

1. A produción de verteduras á rede de saneamento de augas pluviais ou fecais por parte das instalacións e actividades que se desenvolven no ámbito da plataforma loxística deberá axustarse ao disposto na

lexislación vixente en materia de verteduras e protección ambiental de leitos e en xeral do dominio público hidráulico:

-Directiva 91/271/CEE, sobre o tratamento das augas residuais urbanas.

-Decreto 16/1987, do 14 de xaneiro, de deseño técnico do Plan hidrolóxico das bacías intracomunitarias de Galicia.

-Lei 9/2010, do 4 de novembro, de augas de Galicia.

-Lei 16/2002, do 1 de xullo, de prevención e control integrados da contaminación.

-Real decreto 927/1988, do 29 de xullo, polo que se aproba o Regulamento da administración pública da auga e da planificación hidrolóxica, en desenvolvemento dos títulos II e III da Lei de augas.

-Real decreto 9/2008, do 11 de xaneiro, polo que se modifica parcialmente o Regulamento do dominio público hidráulico aprobado polo Real decreto 849/1986, do 11 de abril, co fin de incorporar á lexislación interna a Directiva do Consello 80/68/CEE do 17 de decembro de 1979, relativa á protección das augas subterráneas contra a contaminación causada por determinadas substancias perigosas.

-Real decreto 995/2000, do 2 de xuño, polo que se fixan obxectivos de calidade para determinadas substancias contaminantes e se modifica o Regulamento de dominio público hidráulico, aprobado polo Real decreto 849/1986, do 11 de abril.

-Real decreto legislativo 1/2001, do 20 de xullo, polo que se aproba o texto refundido da Lei de augas.

-Real decreto 606/2003, do 23 de maio, polo que se modifica o Real decreto 849/1986, do 11 de abril, polo que se aproba o Regulamento do dominio público hidráulico, que desenvolve os títulos preliminar, I, IV, V, VI e VIII da Lei 29/1985, do 2 de agosto, de augas.

-Modificacións do texto refundido da Lei de augas, aprobado polo Real decreto legislativo 1/2001, do 20 de xullo.

-Plan hidrolóxico de bacía aprobado polo Real decreto 1664/1998, do 24 de xullo.

2. Todas as edificacións da plataforma loxística, calquera que sexa o seu uso, deberán ter resolto o sistema de vertedura das súas augas residuais na forma tecnicamente posible que evite a contaminación do medio ou a alteración dos sistemas de depuración receptores das augas.

3. Para tal fin, todas as actividades industriais e de servizos, con instalacións dentro da plataforma loxística, estarán obrigadas a solicitar especificamente coa licenza de actividade o permiso de verteduras para o que deberá entregarse a seguinte documentación:

Filiación.

a) Nome, número da parcela e domicilio social do titular do establecemento ou actividade.

b) Situación e características da instalación ou actividade. Produción.

c) Descrición das actividades e procesos xeradores das verteduras.

d) Materias primas ou produtos utilizados como tales, indicando as cantidades en unidades usuais.

e) Produtos finais e intermedios, se os houber, consignando as cantidades en unidades usuais así como o ritmo de produción.

Verteduras.

Descrición do réxime de verteduras (horarios, duración, caudal medio e punta e variacións diarias, mensuais e estacionais, se puider habelas) e as súas características, previo a calquera tratamento.

Pretratamento.

Descrición dos sistemas de tratamento adoptados e do grao de eficacia prevista para eles, así como a composición final das verteduras descargadas cos resultados da análise de posta en marcha realizada, se é o caso.

Planos.

a) Planos de situación.

b) Planos da rede interior de recollida e instalación de pretratamentos.

c) Planos detallados das obras en conexión, das arquetas de rexistros e dos dispositivos de seguridade.

Varios.

a) Volume de auga consumida polo proceso industrial.

b) Dispositivos de seguridade adoptados para prever accidentes nos elementos de almacenamento de materias primas, compostos intermedios ou produtos elaborados susceptibles de ser vertidos á rede de sumidoiros.

c) En xeral, todos aqueles datos que o ente xestor considere necesarios, para efectos de coñecer todas as circunstancias e elementos involucrados nas verteduras de augas residuais.

O permiso de vertedura emitirase sen prexuízo das autorizacións ou licenzas que deban de conceder outros organismos competentes na materia.

4. O ente xestor autorizará a descarga á rede de saneamento, con suxeición aos termos, límites e condicións que se indiquen na licenza de actividade.

5. Na licenza de actividade recollerase o permiso de verteduras, que se concederá especificamente á industria, ao proceso a que se refira e características da correspondente vertedura. Calquera modificación dos termos referidos exixirá solicitar novamente o permiso de verteduras.

6. O ente xestor non autorizará:

a) A apertura, a ampliación ou a modificación dunha industria que non teña o correspondente permiso de verteduras.

b) A construción, reparación ou remodelación dunha inxerencia que non teña o correspondente permiso de verteduras.

c) A posta en funcionamento de ningunha actividade industrial potencialmente contaminante, se previamente non fose aprobada, instalada e, se é o caso, comprobada polos entes xestores, a eficacia e o correcto funcionamento dos pretratamentos nos termos requiridos na correspondente licenza de actividade.

d) Acometidas á rede que non sexan independentes para cada industria. Cando isto non sexa posible deberá propoñerse como alternativa unha solución tecnicamente axeitada.

7. A regulación da contaminación en orixe, mediante prohibición ou limitación na descarga de verteduras, establécese cos seguintes propósitos:

1º Protexer o leito receptor de calquera efecto prexudicial, crónico ou agudo, tanto para o home como para os ecosistemas naturais.

2º Protexer a integridade e boa conservación das instalacións de saneamento e depuración.

8. O criterio de preservar a calidade ecolóxica do medio receptor, así como a seguridade das instalacións de saneamento definirase segundo a concentración de contaminantes para a súa descarga ao medio receptor de acordo coa lexislación.

9. Queda totalmente prohibido descargar directa o indirectamente á rede de saneamento pluvial ou fecal calquera dos seguintes produtos:

a) Substancias sólidas ou viscosas en cantidade ou dimensión tales que sexan capaces de causar a obstrución na corrente das augas nos sumidoiros ou obstaculizar os traballos de conservación e limpeza da rede.

b) Disolventes ou líquidos orgánicos inmiscibles en auga, combustibles ou inflamables.

c) Gases ou vapores combustibles, inflamables, explosivos ou tóxicos.

d) Graxas ou aceites minerais ou vexetais, excedendo os 200 ppm, medidos como graxa total.

e) Substancias sólidas potencialmente perigosas.

f) Residuos industriais ou comerciais cunhas concentracións ou características tóxicas ou perigosas que requiran un tratamento específico.

g) Líquidos que conteñan produtos susceptibles de precipitar ou depositarse na rede de sumidoiros ou de reaccionar coas augas desta, producindo substancias comprendidas en calquera das alíneas deste artigo.

h) Substancias que por elas mesmas ou como consecuencia de reaccións que teñan lugar dentro da rede teñan ou adquiren algunha propiedade corrosiva.

i) Substancias que poidan alterar negativamente dalgunha forma a capacidade de depuración das instalacións depuradoras ou calquera outra instalación de tratamento previo das augas.

j) Calquera outro que determine a lexislación vixente.

10. As medicións e determinacións serán realizadas baixo a supervisión técnica do ente xestor e a cargo da propia instalación industrial.

As determinacións realizadas deberán remitirse ao concello, ao seu requirimento ou coa frecuencia e forma que se especifique na licenza de actividade.

En todo caso, estas análises estarán á disposición dos técnicos do ente xestor, responsables da inspección e control das verteduras para o seu exame cando se produza. Por outra parte, o concello poderá facer as súas propias determinacións cando así o considere oportuno.

11. Toda instalación que produza verteduras de augas residuais non domésticas deberá colocar e poñer á disposición dos servizos técnicos do ente xestor, para efectos da determinación da carga contaminante, os seguintes dispositivos:

a) Arqueta de rexistro, que estará situada en cada sumidoiro de descarga das verteduras residuais, de fácil acceso, libre de calquera interferencia e localizada augas abaixo antes da descarga á rede. Deberán de enviarse ao ente xestor planos de situación da arqueta e de aparellos complementarios para a súa identificación e censo.

b) Medición de caudais. Cada arqueta de rexistro disporá dos correspondentes dispositivos para poder determinar os caudais de augas residuais.

c) No caso de que existan pretratamentos individuais ou colectivos legalmente autorizados deberá instalarse na saída dos afluentes depurados unha arqueta de rexistro coas mesmas condicións referidas en parágrafos anteriores.

12. Os servizos técnicos do ente xestor procederán a efectuar periodicamente ou por instancia dos usuarios, inspeccións e controis das instalacións de verteduras de augas residuais.

Para que os inspectores municipais ou da administración competente en materia de augas poidan realizar as súas funcións de vixilancia e control os titulares das instalacións estarán obrigados con respecto ao persoal acreditado a:

a) Facilitarlles, sen necesidade de comunicación anticipada, o libre acceso aos locais ou partes da instalación que consideren axeitado para o cumprimento da súa misión.

b) Facilitarlles a montaxe dos equipos, así como permitirlles a utilización dos instrumentos que a empresa utilice coa finalidade de autocontrol, especialmente aqueles para a medición de caudais de verteduras e toma de mostras, para o efecto de realizar as comprobacións que consideren axeitadas.

c) E, en xeral, facilitarlles o exercicio e cumprimento das súas funcións.

Para conseguir unha axeitada regulación das descargas de verteduras e actualizar periodicamente as

súas limitacións e conseguíntes autorizacións, o ente xestor deberá:

1.-Elaborar un inventario dos permisos de verteduras concedidos.

2.-Comprobar periodicamente as verteduras na rede de sumidoiros.

13. Os titulares dos establecementos industriais que pola súa natureza poidan ocasionar descargas de verteduras que prexudiquen a integridade e correcto funcionamento das instalacións de saneamento deberán adoptar as medidas protectoras necesarias para evitalas. Os proxectos detallados destas medidas haberán de presentarse á Administración para a súa aprobación. Isto non eximirá o titular das responsabilidades consecuentes ante unha situación de emerxencia.

Se a situación de emerxencia se produce o usuario deberá poñela urxentemente en coñecemento dos servizos municipais.

Posteriormente e nun prazo máximo de sete días o usuario remitirá á Administración ou ente xestor un informe onde detallará a data, a hora e a causa do accidente, e canta información necesiten os servizos técnicos do ente xestor para elaborar unha correcta interpretación do acontecido e avaliar as súas consecuencias.

Contra o anterior acordo cabe interpoñer recurso contencioso-administrativo ante a sala correspondente do Tribunal Superior de Xustiza de Galicia, no prazo de dous meses contados desde o día seguinte ao da súa publicación, segundo dispoñen os artigos 10º e 46º da Lei 29/1998, do 13 de xullo, reguladora da xurisdición contencioso-administrativa.

Santiago de Compostela, 24 de xaneiro de 2011.

Antonio José Boné Pina  
Director xeral do Instituto Galego  
da Vivenda e Solo

## **b) DA ADMINISTRACIÓN LOCAL**

### **CONCELLO DE BAIONA**

*Anuncio da modificación número 6 do Plan Xeral de Ordenación Urbana.*

O Pleno da corporación, en sesión do 13 de xaneiro de 2011, por maioría absoluta dos seus membros, prestou aprobación inicialmente á modificación puntual número 6 do Plan Xeral de Ordenación Urbana do Concello de Baiona. O que se somete ao período de exposición pública polo prazo de dous meses, durante o cal os interesados poden consultar o expediente na Secretaria Xeral do concello, de luns a

venres, das 9.00 ás 13.00 horas, e presentar as alegacións que consideren oportunas, todo iso en cumprimento do disposto no artigo 85º.2 da Lei 9/2002, do 30 de decembro, de ordenación urbanística e protección do medio rural de Galicia.

Baiona, 17 de xaneiro de 2011.

Jesús Vázquez Almuñía  
Alcalde

### **CONCELLO DE CARBALLO**

*Anuncio sobre persoal.*

A Xunta de Goberno local, en sesións do 7 e 20 de decembro de 2010, aprobou as bases xerais para a provisión en propiedade das prazas vacantes de funcionarios de carreira e persoal laboral fixo incluídas na oferta de emprego público do Concello de Carballo para 2010.

As citadas bases publicáronse no BOP da Coruña do 5 de xaneiro de 2011.

O que se fai público en cumprimento do establecido na lexislación vixente.

Carballo, 5 de xaneiro de 2011.

Evencio Ferrero Rodríguez  
Alcalde

### **CONCELLO DE LALÍN**

*Anuncio de información pública.*

María Blanco Cuñarro (expediente 6158/2010) presentou neste concello solicitude de licenza para a construción dunha nave de porcino e pozo de xurro, sitios no lugar de Pareizo, parroquia de Goiás, deste concello de Lalín.

De conformidade co disposto no artigo 8º.3 do Decreto 133/2008, do 12 de xuño, polo que se regula a avaliación de incidencia ambiental, sométese a información pública o expediente referenciado, durante un prazo de vinte días contados desde o día seguinte ao da publicación deste edicto, para os efectos de que se poida examinar o expediente no Departamento de Urbanismo deste concello e formulen os interesados as alegacións que xulguen convenientes.

Lalín, 22 de decembro de 2010.

Xosé Crespo Iglesias  
Alcalde